



SLUŽBENE NOVINE

KANTONA SARAJEVO

Godina XXVIII - Broj 3

Četvrtak, 19. 1. 2023. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 5. stav (6), a u vezi sa članom 126. tačka a) Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), Vlada Kantona Sarajevo, na 109. sjednici održanoj 09.01.2023. godine, donijela je

UREDBU

O IZMJENAMA I DOPUNI UREDBE O OBLIKU SLUŽBENE POLICIJSKE ISKAZNICE I POLICIJSKE ZNAČKE POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Član 1.

(Izmjena člana 4.)

U Uredbi o obliku službene policijske iskaznice i policijske značke policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", br. 39/21 i 45/22) u članu 4. stav (2) mijenja se i glasi:

"(2) Na policijskoj znački koja je pripadala poginulom ili preminulom policijskom službeniku će se ukloniti površina na kojoj je upisan broj značke sa četiri znamenke i na to mjesto će se, odgovarajućom

metodom, pričvrstiti pločica širine 29 mm i visine 9 mm sa natpisom ZA SJEĆANJE".

Član 2.

(Izmjena člana 5.)

U članu 5. stav (2) mijenja se i glasi:

"(2) Na policijskoj znački iz stava (1) ovog člana će se ukloniti površina na kojoj je upisan broj značke sa četiri znamenke i na to mjesto će se, odgovarajućom metodom, pričvrstiti pločica širine 29 mm i visine 9 mm sa natpisom "PENZIONER".

Član 3.

(Dopuna člana 20.)

U članu 20. dodaje se nova rečenica koja glasi:

"Oblik i izgled policijske značke koja je pripadala poginulom ili preminulom policijskom službeniku i policijskom službeniku koji odlazi u penziju (Obrazac broj 7.) nalazi se u prilogu ove uredbe i čini njen sastavni dio.

Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-82-2/23
09. januara 2023. godine
Sarajevo

Po ovlaštenju premijera
Ministar
Davor Čičić, s. r.

Obrazac br. 7.



Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 4. tačka h) Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Kantona Sarajevo", br. 39/08, 19/11, 45/15 i 33/21), na prijedlog Kantonalne uprave civilne zaštite Kantona Sarajevo, Vlada Kantona Sarajevo, na 109. sjednici održanoj 09.01.2023. godine, donijela je

UREDBU
O IZMJENI UREDBE O OSNIVANJU ŠTABA CIVILNE
ZAŠTITE KANTONA SARAJEVO

Član 1.

(Izmjena člana 9.)

U Uredbi o osnivanju Štaba civilne zaštite Kantona Sarajevo ("Službene novine Kantona Sarajevo", br. 24/13, 7/16, 27/19 i 41/21) u članu 9. stav (1) tačka k) mijenja se i glasi:

"k) komandant profesionalne vatrogasne jedinice,"

Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-82-3/23
09. januara 2023. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 109. sjednici održanoj 09.01.2023. godine, donijela je

ODLUKU
O DAVANJU SAGLASNOSTI NA PRIJEDLOG ANEKSA
I PROTOKOLA O VOĐENJU PREGOVORA U VEZI
KOLEKTIVNOG UGOVORA ZA KOMUNALNU
PRIVREDU U KANTONU SARAJEVO

I

Daje se saglasnost na prijedlog Aneksa I Protokola o vođenju pregovora u vezi kolektivnog ugovora za komunalnu privredu u Kantonu Sarajevo, broj 02-04-51014-2.1/22 od 23.12.2022. godine.

II

Ovlašćuje se premijer Kantona Sarajevo da potpiše Aneks I Protokola iz tačke I ove odluke.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-82-4/23
09. januara 2023. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 109. sjednici održanoj 09.01.2023. godine, donijela je

ODLUKU

O DAVANJU SAGLASNOSTI JP NIO "SLUŽBENI LIST
BOSNE I HERCEGOVINE" NA PRETPLATNU CIJENU
ZA "SLUŽBENE NOVINE KANTONA SARAJEVO" ZA
PRVO POLUGODIŠTE 2023. GODINE

I

Daje se saglasnost JP NIO "Službeni list Bosne i Hercegovine" na pretplatnu cijenu za "Službene novine Kantona Sarajevo", za prvo polugodište 2023. godine, u iznosu od 80 KM, koju je utvrdio Upravni odbor ovog javnog preduzeća.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-82-5/23
09. januara 2023. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 14. i 21. Zakona o obrazovanju odraslih ("Službene novine Kantona Sarajevo", br. 40/15 i 40/20) i člana 14. Zakona o ustanovama ("Službeni list Republike Bosne i Hercegovine", br. 6/92, 8/93 i 13/94), Vlada Kantona Sarajevo, na 109. sjednici održanoj 09.01.2023. godine, donijela je

ODLUKU
O PRIHVATANJU ZAVRŠNOG IZVJEŠTAJA SA
STRUČNIM MIŠLJENJEM O DRUŠTVENOJ
OPRAVDANOSTI ZA OSNIVANJE I RAD
ORGANIZATORA ZA NEFORMALNO OBRAZOVANJE
ODRASLIH - AKADEMIJA SAVREMENOG
KOMUNICIRANJA

I

Prihvata se Završni izvještaj sa stručnim mišljenjem o društvenoj opravdanosti za osnivanje i rad organizatora za neformalno obrazovanje odraslih - Akademija savremenog komuniciranja, u okviru pravnog lica Islamska zajednica u Bosni i Hercegovini, Media centar d.o.o. Sarajevo, koji je sačinila Ekspertna komisija za razmatranje zahtjeva i Elaborata, te davanja stručnog mišljenja o društvenoj opravdanosti za osnivanje i rad pravnog subjekta za neformalno obrazovanje odraslih - Akademija savremenog komuniciranja, u okviru pravnog lica Islamska zajednica u Bosni i Hercegovini, Media centar d.o.o. Sarajevo, koju je imenovala ministrica za odgoj i obrazovanje Kantona Sarajevo.

II

Daje se saglasnost na Elaborat o opravdanosti osnivanja i rad organizatora za neformalno obrazovanje odraslih - Akademija savremenog komuniciranja, u okviru pravnog lica Islamska zajednica u Bosni i Hercegovini, Media centar d.o.o. Sarajevo.

III

Daje se prethodna saglasnost za osnivanje, rad i obavljanje djelatnosti obrazovanja odraslih i pokretanje procedure za upis u Registar organizatora obrazovanja odraslih za - Akademija savremenog komuniciranja, u okviru pravnog lica Islamska zajednica u Bosni i Hercegovini, Media centar d.o.o. Sarajevo.